

*Affectus (vulgò dictus) Hypochondriacus maximâ ex parte est convulsivus.*

**C**Oelitus ad terras visendum hominûmq; labores  
 Simplex descendit *Pietas*, & *Scotica* primò  
 Forte per arva novo tenuit vestigia gressu;  
 Ulterius jam tum fines aditura Britannos:  
 Cùm sancto subitò commota est murmure Diva,  
 Multa Dei accepit cognomina, multa Piorum  
 Dicta Patrû & sacro quàm multa volumine scripta,  
 Accedit tandem & tenuis de culmine Rostri  
 Bacchantem cernit, coelo terrisque minantem  
 Elatâ positâque manu, buccâque tumenti  
 Presbyterum inflatum. *Pietas* hunc Doemone captû  
 Credebat primò; miratur sancta furenti  
 Verba relata sono & rabiem est miserata dolendam.  
 Intereâ Divina illuc *Prudentia* venit,  
 Et longè stetit inspectans, mirata quòd illis  
 Sit *Pietas* inventa locis, nutûque vocabat;  
 Ut procul illius fugeret confortia turbæ.  
 Conversa est retrò *Pietas*, causâque rogabat;  
 Cui sic orsa loqui, *Fato Prudentia* major:  
 "Chara comes, *Pietas*, cui ne Rex ipse Deorum,  
 "Nè fallare, dedit sociam rerum magistrâ;  
 "Nè nimium moveare dolo sanctisque susurris,  
 "Nec gemitus nève ora notes, turbâmq; silentem,  
 "Et circumseptum satyris rudibusque Colonis  
 "Presbyterum, tibi sunt hostes, Christoque, mihiq;  
 "Inflati rabie & fictâ pietate profani.  
 "Hos *Hypochondriacus* replet circa ilia flatus;  
 "Hinc & phlegma oritur nigrum, contraria menti  
 "Sanæ & dira lues: Cerebri hoc penetralia turbat,  
 "Fundamenta quatit, rectoque à Cardine vellit,  
 "Convellit nervos, & vultûs mille figuras  
 "Efformat, populûmq; ad se convellit hiantem;  
 "Et Regis caput hoc humeris avellere rursus  
 "Conatur, sanctâque *Fidem Pietatis* alumnam  
 "Et Te, summa Deum, *Pietas*, convellere Christi  
 "Consortem volet (heu!) valido medicamine legum,  
 "Nî bilem purget *Carolus*; cui mittor Olympo.  
 "Ut sceptrum Inviçto firmem *Prudentia* Regi:  
 "Cura tua est, *Pietas*, Anglorum Ecclesia Vera.

*Gravidis licet venam secare.*

**C**Asta *Diana* fave; nam tu *Lucina* vocata  
 Virgo laboranti Dextram summittere Matri  
 Sæpè soles placidam, quémque explorare Dolorem  
 Ipsa negas, miti dignaris tollere curâ:  
 Si verè Medicis consanguinitate propinquas,  
 (Namque *Coronides* Fratris de semine crevit,  
 Et *Phæbi* soror es) quassatam dirige Proram,  
 Felices aperi Portus, dextrâque peritâ  
 Hanc comitare Ratem recto per cæula cursu.  
 Cùm gemino *Latona* Parens sub numine pressa  
*Deliacam* manibus tenuit miserabile Palmam,  
*Funoni* (que animum Precibus mollire furentem  
 Nequicquam aggressa est; fessi sub pondere nervi  
 Penè crepant, & nunc expiratura videtur:  
 Tum tua, *Phoebe*, soror mœstam miserata Parentē,  
 Quamvis ventre latens, Partum relevantia dicta  
 Ore dedit, talique Deam solamine juvit.  
 "O Mater neglecta *Fovi*, Terræque negata,  
 "Atque invisâ P olo, cujus nunc dura coegit  
 "Haud-natos Fortuna loqui; nè frangere fatis:  
 "Namq; vel hoc hoc ipsum Pondus tua fata levabit.  
 "Et quanquam *Funo* secum tenet Ilthyam,  
 "Ipsa ego, quam paries, Ilthya altera dicar:  
 "Hic uterus *Medicum* Numen gerit, illius Arte,  
 "Quæ cunctos recreare solet, sanaberis ipsa;  
 "Quæque loquor, *Lucina* vocor, *Lucina* Puellis  
 "Adjutrix Gravidis, & nunc (licet aspera *Funo*  
 "Æternùm fremat) has ultro tibi tradimus Artis  
 "Primitias nostræ: Ferventem porrige dextram,  
 "Et, cui *Regis* nomen, acu tibi Vena secetur.  
 Mirentur Medici: sic est effata *Diana*,  
 Et scētâ est felix jam facta puerpera *Venâ*.

In vesperiis Comit. Julii 4. 1681. Respondente pro gradu Doctoratûs in Medicina,  
 Roberto Schuldham, quondam Socio, Coll. Gonv. & Caii.